

光緒江西通志

頭品頂戴江西巡撫臣

奏爲恭

進重修江西通志繕寫正本仰祈

聖鑒事竊照江西通志創自前明嘉靖初其書分志省府體

例略具

國朝康熙中前撫

臣

安世鼎白潢已兩次改修至雍正七

年前撫

臣

謝閔奉

詔纂修始據舊本重爲補正遂有成書迄今歷百四十餘年前

記僅存遺聞漸佚同治九年督

臣

劉坤一於巡撫任內

奏請開局重修奉

旨俞允欽遵辦理嗣於光緒四年稿本初成經前撫

臣

劉秉璋

奏請詳加校訂繕本進

呈疊蒙

恩准在案

臣

接任以來復督飭纂修諸員斟定異同辨正疑

誤分做情考勤之意立事增文省之程茲已排比整齊
校勘完竣釐爲一十八門通計一百八十五卷謹繕正
本一分咨送軍機處恭

呈

御覽欽惟我

皇上道啟符珍

業崇圖寶兼

文謨與

武烈威懾殊荒惟

稽古以同天

仁周寔寓豐離瑞應

握金鏡於昌期紉縵光華

聞珠囊之

靈貺車書一統

建極綏猷禮樂百年徵文考獻伏念江西壤交吳越境僻江湖置郡實肇自漢初志地曾傳於晉代乃遐稽古籍半就淪蕪僅守陳編久成斷闕且自軍興以後紀載無聞簡畢俄空諮諏非易此日之補苴不事異時之傳信逾難茲幸仰承

訓示合羣力以編纂曲荷

優容俾覃心於考索發凡起例上乘

典謨遠紹旁搜聿昭經法事同創始說戒沿訛爰薈羣言期

衷一是徵事則窮探顛末釋疑則綜覈古今存漕運之舊章記江防之定制改引濟綱鹽之法新闢述柔遠之經語焉必詳補所未備至若考正封域閒刊樂史之枝辭甄錄人文不尙喻均之區目理從簡直分四表則朗若列眉義務謹嚴成七略而括其要指擬輶軒之采擷比類方言沐

聖治之涵濡克襄盛事臣未窺通史尤拙摛文竭千慮之愚與參末議滌八年於此幸獲觀成竊虞識囿方隅莫效勺水微塵之益惟冀

俯垂衡鑒或附蘭臺石室之儲臣謹會同兩江總督臣劉坤一恭摺具

奏伏乞

皇太后

皇上聖鑒謹

奏

光緒六年九月初一日軍機大臣奉

旨知道了書畱覽欽此

重修江西通志職名

監修

太子太保 武英殿大學士原任兩江總督世襲一等毅勇侯 臣 曾國藩

兵部尚書兼都察院右都御史原任兩江總督 臣 馬新貽

前鎮守南京等處地方將軍兼署兩江總督世襲騎尉 臣 圖隆阿 臣 圖魯 臣 魁 王

兵部尚書兼都察院右都御史前署兩江總督今任閩浙總督 臣 何 璟

兵部尚書兼都察院右都御史前署兩江總督今任兩廣總督 臣 張樹聲

兵部尚書兼都察院右都御史前兩江總督 臣 李宗羲

頭品頂戴兵部尚書兼都察院右都御史原任兩江總督世襲二等輕車都尉 臣 沈葆楨

兵部侍郎兼都察院右副都御史前署兩江總督江蘇巡撫 臣 吳元炳

頭品頂戴兵部尚書兼都察院右都御史碩勇巴圖魯兩江總督 臣 劉坤一

頭品頂戴兵部侍郎兼都察院右副都御史提督銜勇巴圖魯前江西巡撫 臣 劉秉璋

頭品頂戴兵部侍郎兼都察院右副都御史提督銜江西巡撫 臣李文敏

總閱

詹事府詹事前江西學政 臣徐卮

前翰林院侍讀學士江西學政 臣李文田

二品頂戴大理寺卿前江西學政 臣許庚身

前國子監祭酒江西學政 臣吳仁傑

前翰林院侍講江西學政 臣汪鳴鑾

翰林院侍講學士江西學政 臣洪鈞

提調

前江西布政使 臣文輝

前江西布政使今任湖北巡撫 臣彭祖賢

江西布政使 臣邊寶泉

前任四川布政使前江西按察使臣王德固

原任廣東布政使前江西按察使臣俊達

前江西按察使今任直隸布政使臣任道銘

二品銜前署江西按察使候補道臣繆德棻

二品頂戴江西按察使臣沈保靖

前江西督糧兼巡南撫建道臣平步青

二品頂戴前江西督糧兼巡南撫建道今任甘肅安肅道臣王必達

按察使銜原任江西督糧兼巡南撫建道臣李衢亨

鹽運使銜前署江西督糧兼巡南撫建道候補道臣董似穀

鹽運使銜前署江西督糧兼巡南撫建道候補道臣周溯賢

布政使銜江西督糧兼巡南撫建道臣吳世熊

前江西鹽法兼巡瑞袁臨道臣吳兆麟

布政使銜前江西鹽法兼巡瑞袁臨道臣喬廷樞

布政使銜前江西鹽法兼巡瑞袁臨道候補道臣王德權

按察使銜江西鹽法兼巡瑞袁臨道臣王嵩齡

二品頂戴原任江西廣饒九南道臣景福

二品頂戴前江西廣饒九南道臣文惠

布政使銜江西廣饒九南道臣洪緒

三品銜前江西吉南贛甯道臣文翼

二品銜前江西吉南贛甯道今任江蘇按察使臣許應鏐

鹽運使銜江西吉南贛甯道臣蔣繼洙

江西候補道臣賀元彬

江西候補道臣范鳴銖

采輯

鹽運使銜補用道前署江西南昌府知府候補知府臣王之藩

鹽運使銜補用道江西南昌府知府臣賀良楨

補用道江西瑞州府知府臣黃廷金

三品銜前江西袁州府知府臣黃恩浩

前江西臨江府知府今任浙江布政使臣德馨

道銜前署江西臨江府知府臣鮑孝光

鹽運使銜前江西吉安府知府臣特克紳布

三品銜江西吉安府知府臣鍾珂

道銜前署江西撫州府知府臣陳增

三品銜候選道江西撫州府知府臣朱澄瀾

原任江西建昌府知府臣邵子彝

前江西廣信府知府今任廣東督糧道臣孫鳳翔

道銜原任江西饒州府知府臣錫惠

道銜前江西南康府知府臣盛元

鹽運使銜江西九江府知府臣達春布

鹽運使銜補用道原任江西南安府知府臣黃鳴珂

道銜原任江西南安府知府臣楊鎔

三品銜補用道原任江西贛州府知府臣魏瀛

三品銜候選知府江西甯都直隸州知州臣韓懿章

總纂

三品京堂銜原任翰林院修撰臣劉繹

原任大理寺卿臣李聯琇

道銜原任掌京畿道監察御史臣帥方蔚

編輯

同知銜前署江西鄱陽縣知縣候補知縣臣趙之謙

協輯

安

徽

舉

人

臣程秉鈞

知州銜前署江西廬陵縣知縣卽用知縣臣王麟書

知州銜署江西清江縣知縣卽用知縣臣董沛

分修

前掌湖廣道監察御史臣劉瑞祺

禮

部

主

事

臣程志和

兵

部

主

事

臣黃彬

浙

江

候

補

同

知

臣熊松之

五品銜孝廉方正補用知縣臣楊兆崧

候

選

知

縣

臣歐陽烜

武甯縣學訓導臣習逢試

前袁州府學訓導臣郭儼

前萬載縣學訓導臣盧猷

前樂平縣學訓導臣朱齡

樂平縣學訓導臣胡友梅

候選教諭臣鄭志昀

候選訓導臣朱航

舉人臣袁臣遠

舉人臣喻震孟

舉人臣胡業恆

分校

候選員外郎臣蔣芳

光祿寺署正臣朱琪

湖南候補知府臣况桂馨

前湖南常德府同知臣張建翎

知府銜候補選同知臣陶作賓

兩淮候補鹽運判臣夏獻徵

山西右玉縣知縣臣李其滋

廣東候補鹽大使臣方鳳喈

崇仁縣學訓導臣龔錫蕃

新昌縣學訓導臣黃元坤

候補選訓導臣樂士頤

五品銜湖北候補府經歷臣熊鋈

舉人臣劉宗衡

舉

人臣喻恭瑾

生

員臣帥元

生

員臣李其炳

生

員臣方鳳翔

生

員臣黃鍾本

覆校

江

西

候

補

知

府臣李嘉賓

候選知府前江西南昌府同知

臣張師亮

前署江西臨川縣知縣直隸州知州

臣李士棻

同知銜前署江西清江縣知縣候補知縣

臣汪綬之

同知銜署江西新喻縣知縣候補知縣

臣王懋寶

同知銜江西候補知縣

臣杜熾勳

知州銜前署江西宜黃縣知縣卽用知縣臣林嵩堯

同知銜署江西高安縣知縣卽用知縣臣翁錫祺

江西候補知縣臣洪汝濂

同知銜江西候補知縣臣徐敦仁

收掌

同知銜前署江西安遠縣知縣候補知縣臣周長森

五品銜江西候補縣丞臣張福階

光祿寺署正銜前高安縣學訓導臣黃春魁

生員臣事爲福

司局

前瑞州府同知原任福建建甯府知府臣李吉官

前署江西清江縣知縣候補同知臣徐樹鈺

升用道補用知府署江西臨川縣知縣南昌縣知縣臣汪世澤

候選知府補用同知直隸州署江西鄱陽縣知縣臨川縣知縣臣汪以誠

運同銜江西南昌府同知署南昌縣知縣臣崔國榜

同知銜江西新建縣知縣臣冷鼎亨

同知銜署江西南昌縣知縣鄱陽縣知縣臣賀宏勳

知州銜江西樂平縣知縣臣李曾珂

鹽提舉銜署江西奉新縣知縣候補知縣臣張鳴珂

督刊

江西武甯縣典史臣余希亮

江西候補巡檢臣蔣鼎元

江西通志

序例總目

周官外史掌四方之志以書使於四方則書其令鄭注
四方之志謂若魯春秋諸書書其令謂書王命以授使
者蓋法準史家書秉王命自古然也潛說友撰臨安志
首載詔令近世方志因之統紀

皇言徧摹

宸翰然哀輯至富義例猶疏洪惟

聖朝經緯八紘監觀萬寓文冊所垂分部宣布是宜恭錄
特頒詔諭函蓋羣言道在尊嚴篇成
訓典以明祗承所自不敢越界而書

自班固地志始記郡縣本末劉昭補志錄其改異兼及

春秋三史地名前有今無以見并省前無今有以準所
置此地理沿革所宜詳也江西於古以木名都春秋豫
章別在江北漢初置郡則屬江南吳曾考之於前胡虔
證之於後舊志兩存今當釐定矧漢魏以降郡縣屢更
同異紛出經界未正邦域何稽爰博考史志旁證羣籍
表以正之疑者闕焉不爲臆改

職官之表創於漢書表列三十四官格止一十四級詳
述更制合以官聯有條不紊謝志職官不列府州以下
例尤簡易年經事緯班分類合始漢代迄今茲列爲職
官表流覽考次按籍具存亦掌贊書數從政之遺意也
選舉專志以備一方掌故樂史江南登科記張朝瑞南
國賢書之例也漢制孝廉茂才力田賢良本古者鄉黨

州閭之法隋氏以後始有文學詞章創爲進士科目歷千載而不變茲詳考律令徧訪題名旁行斜上同條共貫仕籍附注事實別書不以傳體溷於年表如遼金二史有虛占行幅之譏

列爵分土建侯樹屏始漢終明二千餘年其閒異姓同姓或嗣或除治亂興衰隱相維繫范成大吳郡志以封爵次於牧守王鏊姑蘇志附吳世家兼詳氏族不敢遺也謝志封建爲表綦詳茲仍其舊閒有蓄疑別附考證班氏之述地理也標郡列縣識其戶口與其地分風俗末及分野此不易之法也星土之說肇自保章厯代史志相沿未改後世推步密於前人新法旣行利瑪竇艾儒略諸家書盡易舊說至馬吉士高理文出言天地者

窮極無外分野星辰久置不道茲從舊例仍附於篇所謂有其舉之莫敢廢焉

圖譜之學古爲專家圖以證說說以輔圖本無偏廢鄧顯鶴寶慶府志論述圖法甚得裴秀朱思本之遺近惟鄒伯奇南海縣志圖造尺識方立限定點以目準望以口計步實天下之奇作而仿效殊難江西自同治三年奉

旨勘繪輿圖開方計里補遺正誤業有成書謝志諸圖尙沿舊習標識名勝無當史裁茲從刪削別爲省圖一府圖十三直隸州圖一附諸疆域

山澤川浸職方所掌志山川水利之權輿也鄭樵言九州可移山川不易實爲通識然方志以疆域爲限而山

川麗之謝志稱匡廬武功橫互數縣章貢彭蠡綿歷諸郡故當先列疆域次說山川別於輿地略者山經昔稱柏翳水經或著桑欽古爲專書茲從分紀川源旣達水利可興隄塹陂渠民命攸寄因并志之

建置之事城池以衛民廨宇以治事學校以立教壇廟以禮神津梁以平政書院社學以育才軍興以來郡縣境內賊蹤所過殘毀無遺次第修復未能蔽事創始繼脩之年月舊址遺制之因革纖悉記之啟後承前意在此矣

經政之略則通典會要之遺也明以來方志於兵農諸務視爲吏胥簿籍每據見行案牘裁併成篇未嘗加意陸隴其撰靈壽縣志務爲簡略而田賦特詳誠知其重

也江西賦役二百年來舊章屢易前則清汰浮糧後則折改漕運議增議減千頭萬緒更僕難終他若鹽法之督銷票引關部之變通解額籌餉有釐捐之設通商別洋稅之名兵制如南昌城守累經移撥湖口水師新設重鎮一隅之舉已極紛羅酌古斟今宜窮顛末凡事關政典因革損益不遺瑣屑條列諸科庶後之有志經國者攷訂得失無以空言陳利病焉

施宿會稽志有討賊平亂之篇姑蘇志亦用其例陳士元灤州志首列世編則統書境內舊事及災祥征伐自爲經傳體例失倫立意未爲非也謝志武事全仍白志原文康熙庚申以後宜有補輯且自粵賊倡亂竊發則江西當其衝敗而反奔又假以爲遁逃之藪始咸豐癸

丑迄同治丙寅十四年中客軍民兵相持數百戰卒殲醜類克集大勦奏報文移胥足考信爰述用兵始末別爲後編五行之志前史不遺吉凶先見動微知著天象所垂人事斯應茲類述之爲前事略非同符瑞靈徵習爲夸誕也

藝文有志始自班固四部之名創於荀勗唐代定經史子集之目執簡馭繁爲著錄家成法茲攷定羣籍錄爲一編謹遵

四庫總目分部辨類不相雜廁舊載文詩有關掌故旣收本志分注各條其有餘篇綴錄高文無兩附麗異時或從和州永清志例推廣編輯別爲文徵發潛闡幽敬俟來哲

故城舊縣荒臺廢宇上下今古多資考索塚墓記防護之事寺觀存金石之文例可並存無能偏重地有名蹟游覽斯經合而志之猶虞衡紀勝之書名園伽藍之記也

梁元帝有丹陽尹傳賀氏有會稽太守贊方志書名宦例也服官茲土澤被生民遺愛所存政績可紀循名責實片善無遺嘉言懿行間得附書境外殊勲義難兼述此定法也舊志上自統轄下迄丞尉治行昭著悉與甄錄茲仍其法訂譌補闕爲宦績錄以別於列傳

錄宦績有四難政有興廢治有賞罰恩怨殊受毀譽異情一難也世士寡識成敗論才望誤偶遭訾議以起二難也紀載闕失事遠易湮姓氏僅存歲月莫考三難也

咨取行實率經刪潤諛墓之文將爲定論四難也具此
四難衷於一是奚敢固於自信有益致其愼而已

史記列傳七十標目九篇漢書則外戚佞幸以上標目
僅七篇四皓不稱隱逸鄒枚不列文苑爲例旣寬於法
至簡蔚宗以後門類日繁歐陽修撰五代史至盡人加
之品目當時已議其過白志以舊志人物別擇低昂才
有兼長義無偏舉因次時地先後書爲列傳謝志仍之
茲從其例次以方術列女寓賢而終以仙釋志仙釋者
元史立釋老傳例也

粵賊之變出沒江西紳民撓難者前後十餘萬人已詳
求徧訪別爲忠義錄

國朝二百餘年苦節純孝祠表婦女暨以寇難殉節者亦

不下數萬人姓氏已載府縣志近復纂輯長編成節率錄志文簡約例不備書取事實尤著者列諸志傳因類附見則繫傳末亦唐書孝友傳總敘意也

方志屬史家近代修志僅存表傳兩體餘則門類凌雜惟意所造嘉慶中南康謝啟昆修廣西通志始講求義法爲典以準紀爲略以準書爲錄以準世家紀載美備體例雅贍厥後修廣東通志卽本是書志家遂多模效之者前喆遺槩爲世宗尙恭敬桑梓宜可傳信謹依其例而斟酌損益之更定舊志次序以合史法

江西之有通志創於明嘉靖間參政林庭楫
國朝康熙中巡撫安世鼎修之繼修者白潢後爲謝閔成
書之歲在雍正壬子迄今百五十餘年中遭寇難列郡

屬邑屢經兵燹遺文多闕故籍旣湮徵文考獻十無三四纂輯編錄十年於茲掇拾叢殘事勤功半攷定義例幸有成書凡爲典一爲表四爲略七爲錄一爲列傳五分卷標目具如左方

卷首之一

訓典

卷首之二

訓典

卷首之三

訓典

卷首之四

訓典

卷首之五

訓典
獨卹

卷一

地理沿革表

卷二

地理沿革表

卷三

地理沿革表

卷四

地理沿革表

卷五

地理沿革表

卷六

職官表

漢晉

卷七

職官表

宋至隋

卷八

職官表

唐

卷九

職官表

宋

卷十

職官表

宋

卷十一

職官表

宋元

卷十二

職官表

明

卷十三

職官表

明

卷十四

職官表

國朝文職

卷十五

職官表

國朝文職

卷十六

職官表

國朝文職

卷十七

職官表

國朝武職

卷十八

職官表

國朝武職

卷十九

職官表

國朝武職

卷二十

選舉表

制科

卷二十一

選舉表

唐至宋進士

卷二十二

選舉表

宋進士

卷二十三

選舉表

宋進士附特奏名進士

卷二十四

選舉表

元進士附童子科

卷二十五

選舉表

明進士

卷二十六

選舉表

明進士

卷二十七

選舉表

明舉人

卷二十八

選舉表

明舉人

卷二十九

選舉表

明舉人

卷三十

選舉表 明舉人

卷三十一

選舉表 明舉人

卷三十二

選舉表 國朝進士

卷三十三

選舉表 國朝舉人

卷三十四

選舉表 國朝舉人

卷三十五

選舉表 國朝舉人

卷三十六

選舉表

國朝舉人

卷三十七

選舉表

唐宋明武科

卷三十八

選舉表

國朝武科

卷三十九

選舉表

國朝武科

卷四十

選舉表

國朝武科

卷四十一

封爵表

卷四十二

封爵表

卷四十三

輿地略 星野

卷四十四

輿地略 疆域附圖

卷四十五

輿地略 疆域附圖

卷四十六

輿地略 形勝

卷四十七

輿地略 戶口

卷四十八

輿地略 風俗

卷四十九

輿地略 物產 土貢附

卷五十

山川略 山

卷五十一

山川略 山

卷五十二

山川略 山

卷五十三

山川略 山

卷五十四

山川略

山

卷五十五

山川略

山

卷五十六

山川略

山

卷五十七

山川略

川

卷五十八

山川略

川

卷五十九

山川略

川

卷六十

山川略

川

卷六十一

山川略

川

卷六十二

山川略

水利

卷六十三

山川略

水利

卷六十四

山川略

水利

卷六十五

建置略

城池

卷六十六

建置略

城池附碉堡

卷六十七

建置略

廟宇

卷六十八

建置略

廟宇

卷六十九

建置略

廟宇

卷七十

建置略

學校

卷七十一

建置略

學校

卷七十二

建置略 學校

卷七十三

建置略 壇廟

卷七十四

建置略 壇廟

卷七十五

建置略 壇廟

卷七十六

建置略 壇廟

卷七十七

建置略 壇廟

卷七十八

建置略 壇廟

卷七十九

建置略 津梁

卷八十

建置略 津梁

卷八十一

建置略 書院附社學

卷八十二

建置略 書院附社學

卷八十三

經政略 田賦

卷八十四

經政略 田賦

卷八十五

經政略 漕運

卷八十六

經政略 鹽法

卷八十七

經政略 權稅

卷八十八

經政略 倉儲

卷八十九

經政略 祀典

卷九十

經政略 學制

卷九十一

經政略 兵制

卷九十二

經政略 郵政

卷九十三

經政略 鼓鑄 陶政

卷九十四

經政略 郵政

卷九十五

前事略 武功

卷九十六

前事略 武功

卷九十七

前事略 武功

卷九十八

前事略 祥異

卷九十九

藝文略 經部

卷一百

藝文略 經部

卷一百一

藝文略 經部

卷一百二

藝文略 史部

卷一百三

藝文略 史部

卷一百四

藝文略 史部

卷一百五

藝文略 子部

卷一百六

藝文略 子部

卷一百七

藝文略 集部

卷一百八

藝文略 集部

卷一百九

藝文略 集部

卷一百十

藝文略 集部

卷一百十一

藝文略 集部

卷一百十二

藝文略 集部

卷一百十三

勝蹟略 城址 賜寮營壘附

卷一百十四

勝蹟略 署宅

卷一百十五

勝蹟略 署宅

卷一百十六

勝蹟略 署宅

卷一百十七

勝蹟略 署宅

卷一百十八

勝蹟略 署宅

卷一百十九

勝蹟略 塚墓

卷一百二十

勝蹟略 塚墓

卷一百二十一

勝蹟略 寺觀

卷一百二十二

勝蹟略 寺觀

卷一百二十三

勝蹟略 寺觀

卷一百二十四

勝蹟略 寺觀

卷一百二十五

勝蹟略 寺觀

卷一百二十六

宦績錄 統轄

卷一百二十七

宦績錄 統轄

卷一百二十八

宦績錄 統轄 南昌府

卷一百二十九

宦績錄 瑞州府 袁州府 臨江府

卷一百三十

宦績錄 吉安府 撫州府

卷一百三十一

宦績錄 建昌府 廣信府

卷一百三十二

宦績錄

饒州府

南康府

九江府

卷一百三十三

宦績錄

南安府

贛州府

南都州

卷一百三十四

列傳

南昌府

卷一百三十五

列傳

南昌府

卷一百三十六

列傳

南昌府

卷一百三十七

列傳

南昌府

卷一百三十八

列傳

南昌府

卷一百三十九

列傳

南昌府

卷一百四十

列傳

南昌府

卷一百四十一

列傳

瑞州府

卷一百四十二

列傳

袁州府

卷一百四十三

列傳

臨江府

卷一百四十四

列傳

臨江府

卷一百四十五

列傳

吉安府

卷一百四十六

列傳

吉安府

卷一百四十七

列傳

吉安府

卷一百四十八

列傳

吉安府

卷一百四十九

列傳

吉安府

卷一百五十

列傳 吉安府

卷一百五十一

列傳 撫州府

卷一百五十二

列傳 撫州府

卷一百五十三

列傳 撫州府

卷一百五十四

列傳 撫州府

卷一百五十五

列傳 建昌府

卷一百五十六

列傳

建昌府

卷一百五十七

列傳

廣信府

卷一百五十八

列傳

廣信府

卷一百五十九

列傳

廣信府

卷一百六十

列傳

饒州府

卷一百六十一

列傳

饒州府

卷一百六十二

列傳 饒州府

卷一百六十三

列傳 饒州府

卷一百六十四

列傳 南康府

卷一百六十五

列傳 九江府

卷一百六十六

列傳 九江府

卷一百六十七

列傳 南安府

卷一百六十八

列傳

贛州府

卷一百六十九

列傳

甯都州

卷一百七十

方術

卷一百七十一

列女

南昌府

卷一百七十二

列女

瑞州府

袁州府

臨江府

卷一百七十三

列女

吉安府

卷一百七十四

列女

撫州府

建昌府

卷一百七十五

列女

廣信府

饒州府

南康府

卷一百七十六

列女

九江府

南安府

贛州府

甯都州

卷一百七十七

寓賢

卷一百七十八

仙釋

卷一百七十九

仙釋

卷一百八十

仙釋

江西通志序例總目

江西通志

卷首之一

訓典

順治元年十月甲子

奉

天承運

皇帝詔曰我國家受

天眷祐肇造東土

列祖創興鴻業

皇考式廓前猷遂舉舊邦誕膺新命迨朕嗣服雖在冲齡締念
紹庭永綏厥位頃緣賊氛洊熾極禍中原是用倚任親賢救
民塗炭乃方馳金鼓旋奏澄清旣解倒懸非富天下而王公

列辟文武羣臣暨軍民耆老合詞勸進懇切再三乃於今年十月初一日祇告

天

地

宗廟

社稷卽皇帝位仍建有天下之號曰大清定鼎燕京紀元順治緬維峻命不易創業尤艱況當改革之初更屬變通之會是用酌今準古揆天時人事之宜庶幾吏習民安彰

祖功

宗德之大於戲天作君師惟鑒臨於有德民歌父母斯悅豫於無疆旣已俞旨布恩鴻敷大賚將使投誠歸命無阻幽深惟爾萬方與朕一德布告遐邇咸使聞知

謹案

訓典五卷凡事繫江西者一體恭錄洪惟
世祖章皇帝定鼎燕京削平區域
登極詔書頒行遠邇雖通布各直省實我
國家肇造之大文伏查會典事例恭載全篇較江西舊志
爲詳敬弁卷首以昭
大一統之義

順治三年七月江西巡撫都御史李翔鳳進正一人

張應京符四十幅

上諭致治之道惟在敬天勤政安所事此朝廷一用天下必至
效尤其置之

康熙十三年八月辛亥

上諭護軍統領桑額江右爲粵東咽喉江浙唇齒所關綦重今
兵民之心尚持兩端若不先滅地方小醜大兵難以前進至
袁州吉安贛州尤屬要地應令滿洲兵駐袁州相機進取長

沙否則固守地方庶三府可保無虞將軍當親統重兵以行毋使兵力單弱致有疏失

康熙十四年正月辛酉

上諭兵部逆賊吳三桂據守岳澧諸處恃有長沙衡州之粟耳今安親王率師往江西令一到南昌卽簡江西軍中馬匹由袁州取長沙斷賊糧道夾攻岳州又

諭今日事勢先滅吳逆爲要安親王宜留兵守江西親統大兵或由袁州或由吉安乘便進剿湖廣攻取長沙倘未易下卽令此兵擾賊耕種截其輓運取資於敵不但我兵無轉輸之勞而岳州糧盡賊可坐困吳逆自不能久據常澧矣其移文安親王速行

康熙十四年正月戊子大將軍安親王岳樂奏江西所

在賊擾若帥師前往長沙則江西兵單可慮今或進取長沙或先滅江西諸賊請

旨遵行

上諭逆賊吳三桂久據湖南奸宄乘勢竊發滇黔川閩遂爾淪陷廣西陝西逆孽猖獗湖南一隅爲賊根蒂四方羣寇所觀望必速滅吳三桂底定湖南則各地小醜聞風自散今荊州兵未能渡江而岳州兵又難驟進王抵江西宜由袁州直取長沙一以斷賊餉道一以分賊兵勢一以扼廣西咽喉一以固江西門戶烏合之眾自當瓦解荆岳大兵卽可乘機直進況甯羌告變川賊必通楊洪二賊窺我郢襄擾我南鄧侵我荊州後路揆其大勢進兵湖南斷不容緩且南方卑溼延至夏月霖雨連綿大兵坐守日久不但戰馬多斃糧餉亦恐不

繼是進取湖南不再計決矣王宜將江西要地速行整理稍就緒卽進取湖南勿得坐視致誤機會

康熙十四年五月甲戌

上諭時方炎暑安親王酌留官兵固守建昌等處率大軍暫回南昌養馬俟秋涼或取湖南或攻福建候旨以行將軍額楚副都統席布等應速平廣信賊臨分水關陽爲前進斷仙霞後路斯時康親王卽令將軍賴塔等兵攻取仙霞或康親王兵與額楚等兵兩路並進夾攻江山縣賊寇二王亦宜遙爲聲援以赴機會

康熙十五年五月癸巳

上諭兵部今聞南安餉缺閩粵諸寇來犯贛屬地方贛州旣危應速取吉安合兵剿賊簡親王等亟檄將軍哈爾哈齊額楚

提督趙賴等克取吉安會合將軍舒恕額赫納之兵撲滅閩粵諸寇並檄舒恕等酌量倘可由贛攻吉卽分兵夾攻之

康熙十五年七月辛巳

上諭大將軍簡親王喇布等江西雖去京四千里朕知之甚悉王以宗室懿親不乃心國家料理軍務恢復地方惟坐守省會日事騎射以圖安逸殊負委任之意今逆賊高大傑竊踞吉安朕旨到日卽宜剋期攻取副將軍希爾根不思報國日駐省城安逸自便性尤偏執軍中每分兩翼獨庇其右翼嗣後宜痛改前非力圖報效哈爾哈齊額楚亦宜遵朕命速取吉安勿得推諉坐失機宜且覺羅舒恕莽依圖穆成格現駐贛州南安王等宜協力攻取吉安進兵兩粵凡行兵之道愛民爲先若百姓富足糧餉充裕則徵調師徒庶不致有困乏

江西通志卷之十一
四
自今大兵所至務禁戢擾掠以稱朕撫輯兆民至意

康熙十五年八月戊午

上諭議政王大臣等大將軍簡親王喇布副將軍希爾根等俱有保全江西剿滅賊寇重任豈得各分疆界互相推諉今將軍舒恕等兵至南康贛州爲日已久馬匹資仗乏絕如聽其因地取給必致擾害生民吉安雖未恢復豈無閒道可通贛州王及將軍總督等宜多撥官兵由閒道解送資糧器械接濟士卒吉安旣係南康贛州孔道大將軍王等率兵速取之仍酌留官兵同總督董衛國鎮守南昌其速行文諭伊等知之

康熙十五年十二月己巳

上諭兵部賊眾來援吉安又聲言犯萍鄉賊帥馬寶等率賊兵

已至永新安福並欲爲吉安救援朕思逆賊吳三桂知我荆岳大將軍等斷不進兵故身往常德調集賊眾併力於長沙吉安將軍穆占速選荊州士馬相機前進以分長沙吉安賊勢平定湖南大將軍簡親王喇布等嚴飭所部保固疆圉

康熙十六年正月庚子

上諭兵部簡親王喇布疏報來援吉安賊眾宵遁或因將軍穆占進兵長沙聞風掣回或謀潛襲袁州俱不可料今吉安已調建昌諸處官兵簡親王喇布等宜乘機速行攻取吉安至於袁州所繫甚大宜分兵固守勿致疏虞總督董衛國其檄令總兵官趙應奎協力防禦

康熙十六年四月辛未

上諭兵部簡親王喇布等統領重兵圍吉安一城日久不下虛

糜國帑徒勞士馬被圍之賊不能撲滅故使逸出逸賊率皆步行復不能追擊聽賊渠逃脫情罪重大宜卽處分念見在進兵俟事平旋師之日嚴加治罪又王啟元奏稱吉安雖復而賊皆逃出與土寇合勢江西未爲全定前因總督董衛國疏稱吉安已復逸出之賊見在圍剿故令酌量分遣大兵赴袁州南昌今江西旣未全定可令參贊大臣到日相視地方輕重緩急如不能如前旨分遣則聽其便宜調度至螺子山拒賊一案與縱賊逸出官兵其嚴察罪狀以聞又

諭喇布及諸將軍等諸路大兵俱各殫力殺賊惟江西一路屢廛朕憂爾等圍困吉安旣已逾年乃縱賊盡令逸出又不恤人民肆行侵掠夫國賦出於民有一民斯有一民之賦若不撫輯招徠地方何由底定又屢稱江西兵士戰馬羸瘦多斃

爾等頓兵未出四五百里外戰馬何由羸斃況康親王兵由浙江定福建入廣東彼馬何獨能進豈非爾等憚入楚粵預爲託故乎嗣今宜竭力勦賊平定疆土勉建功績用贖前愆康熙十七年閏三月己巳定南將軍額駙華善奏茶陵爲江西門戶重地將軍穆占留兵甚少恐吳逆乘閒自衡州出犯安仁攸縣諸處請增發大兵爲防禦計

上諭茶陵攸縣關係江西全省將軍穆占因聞安親王渡江故率兵深入乃安親王實未渡江倘逆賊閒道來侵江省可慮簡親王與將軍華善前鋒統領希佛學士薩海等共商鎮守茶陵諸處以兵付護軍統領哈克山由穆占進兵之路急行追及併力破賊穆占軍前聲息及逆賊情形簡親王不時奏報

康熙二十九年二月己卯

上諭江南江西總督傅拉塔蠲免錢糧原欲使小民物力稍舒漸登殷阜前已頒諭旨民閒建立碑亭頒揚德意雖出羣黎愛戴之誠但恐致煩民力嗣後地方官員不得借端修葺碑亭以滋擾累

康熙四十八年七月乙亥

上諭大學士等湖廣江西稻穀豐收沿江之米甚多而近日江浙米價愈貴朕爲民生計時切憂勞輾轉思之上江之米不禁其沿江而下者特欲使江浙米價平耳今富豪之家廣收湖廣江西之米囤積待價於中取利雖米船沿江而下而糶賣之米愈少此事關係貧民甚大爾大學士及九卿諸臣皆國家倚賴之人所以爲民生憂慮者必與朕同當如何有濟

於民著公同詳議速奏

康熙四十八年七月己卯大學士九卿等遵

旨議覆湖廣江西產米甚多但恐富商囤積圖利應嚴查禁止
上諭大學士等朕因湖廣江西之米商販由江而下者多而江
浙米價不減故命爾等會議若將米賈囤積米石定例禁止
則借此橫查不過利於胥役而已百姓不但無益反致受害
矣爾等但言其枝葉未究其本源朕意以爲必於本源之地
清查自無收買囤積之弊湖廣江西之米或江浙客商或土
著人民某人於某處買米若干清查甚易應行文湖廣江西
督撫委賢能官將有名馬頭大鎮店買賣人名姓及米數一
併查明每月終一次奏聞并將奏聞之數卽移知江浙督撫
湖廣江西之米不往售於江浙更將何往此米眾所共知則

買與賣不待申令而米之至者多卽大有利於民也

康熙五十六年十一月丙子

上諭戶部朕撫馭寰宇五十餘年夜寐夙興爲小民勤求生遂
凡率土遠近皆期共享樂利事成家給人足之休未嘗一日
不廛諸懷也數十年以來各省正賦屢經全免歷年積欠亦
已蠲徵偶有雨澤愆期或發倉廩散給或截漕糧賑救不惜
數萬萬金錢米穀頻沛恩施誠念窮簷之艱慮其至於顛連
失所耳近者民力雖已稍紓然念分年帶徵銀兩若不格外
優寬則小民一歲所獲分納二年之賦以其贏餘養贍室家
斷難充足朕每懷及此軫惻良深宜更加殊恩通行豁免今
將直隸安徽江蘇浙江江西湖廣西安甘肅等八處帶徵地
丁屯衛銀二百三十九萬八千三百八十兩有奇概免徵收

其漕項雖例不准免亦著破格施恩將安徽江蘇所屬帶徵漕項銀四十九萬五千一百九十餘兩米麥豆一十四萬六千六百一十餘石內蠲免各半爾部卽行文該督撫嚴飭所屬實心奉行徧加曉諭俾民間無徵催之累均沾實惠用稱朕撫卹羣黎至意倘有不肖有司借端朦混私行徵收者該督撫嚴察叅處如該督撫失察一併從重處分爾部卽遵諭行

雍正元年七月己丑

上諭戶部朕自臨御以來勤求民瘼事無鉅細必延訪體察務期利民而於徵收錢糧尤爲留意惟恐閭閻滋擾此念時切於懷如江西省有漕米各州縣運糧到省又自省倉搬上軍船故有腳耗扒夫修倉鋪墊等項編載全書歷來支給已久

自康熙二十三年部中誤駁不准支給行令追還嗣後一例駁追究無完解至三十四年

聖祖仁皇帝特頒諭旨將從前已經支給者俱免追賠恩至渥也至康熙三十八年部議又以腳耗與扒夫等項分晰未清仍令追扣不知腳耗乃貼運之總名扒夫等項乃支給之細數實一事非兩項也自康熙三十八年至今已二十餘載應追銀五十一萬餘兩米六十一萬餘石積累增多究無完解追比日久官民均受其累朕知之甚悉特諭爾部將從前積欠盡免追賠向後准其支給副朕加惠黎元體恤有司之意

雍正二年三月壬寅

上諭江西巡撫裴率度今歲湖口關稅贏餘是爾等清楚所致但數覺過多儻額外剝削商民則斷然不可關稅多少係於

年歲之豐歉難可預定或遇不及之年不可勉強必求足數
不然是又增一稅額矣當嚴飭胥吏毋致苦累商民

雍正二年六月庚子

上諭江西巡撫裴率度地丁錢糧百姓自行投納此定例也聞
江西省用里民催收每里十甲輪遞值年名之曰里長催頭
小民承役既不免奸吏之需索而經年奔走必致曠失農業
擾民無甚於此者卽應查明通行裁革若慮裁革里長輪納
不前亦當另設催比之法或止令十甲輪值催趨花戶自行
赴官投納不得干累輪催之人務須斟酌盡善永除民累毋
負朕惠愛元元之意再

諭巡撫裴率度朕惟除莠所以安良黜邪乃以崇正自古爲國
家者綏戢人心整齊風俗未有不以詰姦爲首務者也聞爾

江西地方頗有邪教大抵妄立名號誑誘愚民或巧作幻術夜聚曉散此等之人黨類繁多蹤迹詭祕苟不絕其根株必致蔓延日甚地方各官倘務姑息不行訪拏是養姦也澄清風俗之謂何爾等督撫亟當嚴飭各屬密訪爲首之人嚴拏治罪能去邪歸正者則予以從寬如有出首者卽量加獎賞務令萌孽盡除陰翳全消風俗人心咸歸醇正其或仍前因循不能查禁事發之後該管官一併從重議處

所謂邪教者非指世俗尋常僧道之流而言也慎毋錯會或致紛擾多事卽此查禁邪教亦毋得張大聲勢以駭眾聽惟當留心密訪設法緝獲祇將爲首者重懲其餘被誘惑者概不深究如此方合朕意假若不肖有司借此恐嚇平民波及無辜則不特無益而反有害也爾其仰體朕心飭諭屬員徐

徐爲之可也

雍正三年九月己未

上諭古者視歲之上中爲儲蓄之節蓋官民經畫久遠不爲一時苟且之計積之於豐年用之於歉歲所謂有備無患法良而意美也朕自臨御以來宵旰勤求無刻不以民依爲念乃重農積粟之詔屢下而閭閻卒少蓋藏官倉亦多虧缺卽如直隸保定等府去歲頗稱有秋今春二麥亦熟乃以夏秋雨水過多田禾被澇而民間遂有饑色幾至流離若非多方賑恤窮民必至失所此皆草野無知食不以時用不以禮但快目前之有餘罔計異日之不足一遭旱澇追悔無從至於常平等倉原爲備荒而設乃有司奉行不力多致缺額罪無可追茲據江南浙江江西湖廣福建河南山西陝西廣東廣西

雲南貴州等省督撫報稱今歲秋成八九十分不等朕覽奏不勝慰悅又重爲吾民計及長久宜及此時講求儲蓄之道以備將來該督撫等可轉飭有司徧行曉諭務須撙節愛惜各留有餘預爲他時緩急之需社倉之法亦宜趁此豐年努力爲之勿但視爲虛文故事朕爲吾民籌畫養贍之道惓惓於懷無時或釋而吾民自謀其身家若但苟且因循不復長顧遠慮則重負朕軫念元元之意矣至於州縣倉儲向有虧缺者若不趁此豐收之時速行買補將來發覺斷不姑貸愼之愼之

雍正四年四月癸酉

上諭據裴率度奏請揀選一人爲白鹿書院掌教部議不准行甚是朕臨御以來時時以教育人材爲念但期實有益於學

校不肯虛張課士之美名蓋欲使士習端方文風振起必賴大臣督率所司躬行實踐倡導於先勸學興文孜孜不倦俾士子觀感奮勵立品勤學爭自濯磨此乃爲政之本至於設立書院擇一人爲師如肄業者少則教澤所及不廣如肄業者多其中賢否混淆智愚雜處而流弊將至於藏垢納污如釋道之聚處寺廟矣若以一人教授卽能化導多人俱爲端人正士則此一人之才德卽可以膺輔弼之任受封疆之寄而有餘此等之人豈可易得當時孔子至聖門弟子三千餘人而史稱身通六藝者僅七十有二其餘不必皆賢況後世之以章句教人者乎是以朕深嘉部議不肯草率從裴率度之請也其奏請頒發未備之典籍亦不知未備者是何等書不便頒發至於奏請特賜匾額當年旣經

聖祖仁皇帝賜以御書今朕亦不必再賜

雍正四年六月癸酉

上諭江西巡撫裴率度聞福建今年春夏以來雨水稍多天氣寒冷禾苗興發甚晚目前米價昂貴民食頗覺艱難江西素稱產米之鄉況去歲今春皆獲豐收理宜通融以濟閩省近聞江西地方官過糴不令出境甚非情理著將江西存倉之穀碾米十五萬石動用腳價遴委能員卽速運至閩省交界地方先期知會閩省督撫委員領去分給各地方以濟民食毋得遲緩其動用腳價作何還項可與閩撫酌議動用倉穀作何還項可與兩江總督酌議具奏

雍正四年十月乙酉

上諭從前江西巡撫裴率度摺奏該省州縣虧空之項稱係民

欠居多俱請交與接任官催追完補等語朕深不以爲然頃聞虧空被揭之德安縣知縣蕭彬互揭知府李敬熙驛鹽道孫蘭苾詐贓一案裴率度接據司道詳報遲回至兩月之久始行題叅又武甯縣知縣廖科齡已叅虧空之後知府張景偉查出伊任內有已徵未解地丁等項銀六千餘兩捏稱民欠裴率度據報不行確查續叅反令張景偉代完銀四千餘兩復勒令新任知縣方聲亮出結認徵以此已徵在官之項重複取之於民若百姓依限完納則受一糧再輸之累設或催徵不前勢必挪新補舊冀免處分現年錢糧又致虧空輾轉挪移及離任交盤之日率捏民欠抵項以故國帑虛懸州縣牽累無已類斯情弊直省比比皆然江西尤甚裴率度身任封疆重寄不將此等相沿積習釐剔淨盡乃袒庇虧空之

員巧爲朦朧隱飾責令該府私行代賠以沽寬厚之譽大臣公正之道殊屬有乖故特遣部臣前往將此二案徹底審究前曾有旨命裴率度於新撫汪瀝抵任後起程來京今著留江省俟此二案審明並將閩省類斯民欠案件據實一一清楚裴率度如能將各案前後情節悉行詳察陳奏無隱朕仍加恩寬宥倘猶欲遂非文過巧爲遮飾必將伊從重治罪至布政司丁士一按察司積善皆被朕破格擢用不思秉公圖報將州縣捏稱民欠等弊留心訪察革除乃一味委靡隨附甚屬辜恩茲於侍郎邁柱到日丁士一積善可協同竭力清察執法審理若少涉瞻徇定當重處不貸李敬熙係因匿子避差經都統盧詢叅奏調回治罪之員蒙朕開恩復用竟不悛改以圖報効而爲種種欺隱不法之舉尤屬可惡李敬熙

前已解任今應予革職嚴審定擬具奏

雍正五年正月甲辰

上諭各省所貯倉穀原備歉年賑濟之用實百姓性命之所關地方官員虧空倉穀者較之虧空銀兩其罪更爲重大是以朕卽位以來時刻以倉儲爲念總爲民命起見也雍正元年特頒諭旨令各省州縣於三年之內將所虧倉穀悉行買補務期足數違者重治其罪嗣又屢頒諭旨諄諄申飭並諭各該督撫若所屬地方有不能如期補足情由亦據實陳奏乃江西巡撫裴率度奏稱江西倉穀俱已補足竝無虧缺且有數人在朕前稱江西乃產米之鄉不必多貯穀石應將江西現貯之穀酌量減數糶賣者今據邁柱摺奏現在查出江西州縣倉穀虧空甚多是裴率度所奏顯屬徇隱欺罔而從前

之奏稱江西穀石當發糶者想皆受裴率度之囑託欲借此以掩蓋江西倉穀之虧空耳又據邁柱奏稱現在清查倉糧請將存七糶三之例暫行停止庶免朦混等語據此則江西從前之存七糶三不過借百姓之名以爲掩飾官員虧空之計非真有出陳易新之事也裴率度身任封疆大臣爲百姓所倚賴而忍以百姓性命所關之物化爲子虛使屬官得其利百姓居其名有是理乎原任布政使張楷陳安策職司錢穀乃敢扶同欺隱以致倉儲虧缺若此從前裴率度奏摺力薦張楷陳安策而張楷陳安策來京陛見亦極口稱贊裴率度似此明係彼此徇情比附袒護屬員盜虛名而貽實患甚屬可惡陳安策著革職與張楷一同鎖解發往江西交與邁柱伊都立將虧空情由嚴加審訊裴率度亦著革職與伊等

質審務將虧空之項徹底明白清楚倘張楷陳安策裴率度
仍然欺隱含糊不得清結定將伊等在江西地方正法以爲
私動倉儲輕視民命者之戒裴率度張楷之居官因循苟且
一味求悅於人故稱贊之者甚多卽如阿大夫之譽言日至
也而其實則事事廢弛於察吏安民之道全無裨益若田文
鏡之居官杜絕私情不肯取悅於眾故謗議之者甚多卽如
卽墨大夫之毀言日至也而其實則事事整理於察吏安民
之道大有裨益朕欲澄清吏治又安民生故於公私毀譽之
間分別極其明晰曉諭不憚煩勞務期振數百年之頹風以
端治化之本內外諸臣其共勉之

雍正五年正月甲辰

上諭江西之民性情忠厚風俗淳良冠於他省且文風亦好朕

甚嘉之數年以來該省大吏朕皆擇安靜和平者簡用之意欲使地方享無事之福也不料裴率度張楷陳安策等負朕簡用之恩徇庇屬員輕忽民命將倉儲緊要之項悉聽官吏侵漁且借存七糶三之例以爲遮飾虧空之計使民居其名而官飽其利且使良善之民受貪劣官員之累忍心害理莫此爲甚朕已遣清正大臣查出種種弊端又揀選州縣數十員命往將虧空倉穀之員悉行更換俾得徹底澄清方可以裕民食而除後患江西百姓須知朕愛養民生之至意倘有不肖官員因虧空敗露而捏稱民欠者爾百姓卽赴上司告理切勿爲其所愚使劣員得以漏網無以懲戒將來倘新任州縣官員私徇情面接受交代將虧空隱瞞經朕察出定將接受之員正法伊都立素性和平故用爲江西巡撫但其爲

人輒弱好沽虛名朕知其不能清查倉穀之虧空故特交與邁柱辦理若伊都立稍有掣肘沽名取悅於人之處朕必重治其罪邁柱辦理此事秉公盡心甚屬可嘉深得大臣之體著將此曉諭江西官民知之

雍正五年二月丁丑

上諭大學士等前據汪灃奏稱江西地方舊有落地稅白潢爲巡撫時將稅銀裁革不令商民完納而以巡撫司道公捐銀兩代完每年假造花名冊籍報部其舊有收稅大使等官仍設立如前而接任巡撫王企靖裴率度皆照白潢之例行等語夫國家經制錢糧豈臣子可以意爲增減若江西此項稅銀不應徵收則白潢應奏請於

聖祖仁皇帝施恩豁免若係地方應徵之項則自應令商民完

納何得將公捐銀兩代商完課曲市私恩以博無知小人之稱頌不計及將來之可長行與否且此端一開他省督撫何以催辦國賦似此沽名釣譽大奸大詐之行爲豈人臣事君之道且江西吏治之壞皆由於白潢而近日叅出虧空亦復甚多皆由白潢當日徇情市恩苟且姑容所致爾等同九卿詢問白潢回奏至於汪瀝身爲巡撫凡事不能據理而行乃將白潢所行悖理之事奏聞於朕冀朕批示朕若批令將稅銀豁免則是國家之經費

聖祖仁皇帝六十餘年所未免者而朕安能任意輕免之耶若批令仍向商民徵收則是白潢已免之項而朕復行徵收無知愚民豈不歸怨於朕乎若批令照白潢之例以公捐銀兩代商完課則國體何在有此治天下之道乎爾等同九卿將

此詢問汪滌回奏

雍正五年三月庚寅

謹案謝志誤作七年

上諭自古帝王致治誠民莫不以重農爲先務書陳無逸先知稼穡之艱難詩載豳風備敘田家之力作論語云百姓足君孰與不足孟子云民事不可緩也蓋國以民爲本民以食爲天農事者帝王所以承天養人久安長治之本也我國家撫綏寰宇

聖祖仁皇帝臨御六十餘年深仁厚澤休養生息戶口日增生齒益繁而直省之內地不加廣近年以來各處皆有收成其被水歉收者不過州縣數處耳而米價遂覺漸貴閩廣之間頗有不敷之慮望濟於鄰省良由地土之所產如舊而民間之食指愈多所入不足以供所出是以米少而價昂此亦理

勢之必然者也夫米穀爲養命之寶人既賴之以生則當加
意愛惜而不可萌輕棄之心且資之者眾尤當隨時撙節而
不可縱口腹之欲每人能省一勺在我不覺其少而積少成
多饒可多養數人若人人如此則所積豈不更多所養豈不
更眾乎養生家以食少爲要訣固所以頤神養和亦所以節
用惜福也況脾主於信習慣便成自然每見食少之人其精
神氣體未嘗不壯此顯而可見者至於各省地土其不可以
種植五穀之處則不妨種他物以取利其可以種植五穀之
處則當視之如寶勤加墾治樹藝菽粟安可舍本而逐末棄
膏腴之沃壤而變爲果木之場廢饔飧之恆產以倖圖贏餘
之利乎至於煙葉一種於生人日用毫無裨益而種植必擇
肥饒善地尤爲妨農之甚者也小民較量錙銖且但顧目前

而不爲久遠之計故當圖利之時若令其舍多取寡棄重就輕必非其情之所願而地方官遽然繩之以法則勢有所難行轉滋紛擾惟在良有司勤勤懇懇諄切勸諭俾小民豁然醒悟知稼穡爲身命之所關非此不能生活而其他皆不足恃則羣情踴躍不待督課而皆盡力於南畝矣朕聞江南江西湖廣粵東數省有一歲再熟之稻風土如此而仍至於乏食者是地土之力有餘而播植之功不足豈非小民習於怠惰而有司之化導者有未至邪或者曰米穀太多則價賤而難於糶賣昔人有穀賤傷農之說諺語所謂熟荒者此則不必過虛假若小民勤於耕作收穫豐盈致於價賤而難於出糶朕必多發官價以糶買之使重農務本之良民獲利而有餘貲也朕生平愛惜米穀每食之時雖顆粒不肯拋棄以朕

玉食萬方豈慮天庾之不給而所以如此撙節愛惜者實出於天性自然之敬慎並不由於勉強且以米穀乃

上天所賜以生養萬民者朕爲天下生民主惟有敬謹寶重仰冀

天心默佑雨暘時若歲獲有秋俾小民家有蓋藏人歌樂土朕旣爲億萬生民計不敢輕忽

天貺爾等紳衿百姓獨不自爲一身一家之計乎朝夕生養之需旣受

上天之賜若果加意愛惜隨時撙節則

天必頻加錫賚長享盈甯之福若恣情縱欲暴殄天物則必上干

天怒不蒙眷賚而水旱災祲之事皆所不免其理豈或爽哉又

聞江西廣西地方竟有以米穀飼養豚豕者試思穀食之與肉食孰重孰輕孰緩孰急而乃以

上天之所賜小民終歲勤苦之所獲者爲豢養物類之用豈不干

天和而輕民命乎朕所以惓惓訓諭者惟期天下之人專務本業以杜浮靡愛惜物力以圖久遠共體朕敬迓

天庥勤恤民隱之意則爾等家室必益至於豐饒爾等子孫必永綿其福澤思之思之毋忽朕言著將此曉諭內外官民人等並通行遠鄉僻壤咸使聞知

雍正五年閏三月丁卯

上諭據邁柱奏稱江西存倉穀石向來俱係二錢一石折價存留各縣價銀二錢買穀一石實屬不敷等語朕思離任官員

交代之際並無穀石在倉而以二錢一石之賤價交與接任之員接任之員力難賠墊以致穀石空虛弊端種種國帑民生均受其累此皆裴率度及歷任布政使等徇情市惠強令接任官員收受之故著將江西通省折價銀兩交與裴率度及歷任布政使作速照數買穀還倉不得借端絲毫派累小民其作何勒限及分派經手原任布政使之處著邁柱查明定議再直隸各省倉穀若有前任官折價存庫者不許新任官接受交代仍令前任官買穀交倉不許顆粒短少其該管督撫上司亦不得徇情寬縱倘敢違定將本官及該管官分別從重治罪永著爲例

雍正五年十一月甲子

上諭江西巡撫布蘭泰奏稱江西所有制錢不敷民間之用請

每歲多撥滇錢一萬貫運至漢口江西省動庫銀一萬兩委員前往漢口交易運回之日照京中制錢搭放之例每滇錢一千作餉銀一兩均勻搭放俾流通交易等語從前鄂爾泰奏請將滇省所鑄錢文除本省搭放外每年以四萬貫發運楚省川江兩廣等處朕已降旨允行著戶部行文鄂爾泰於此四萬貫內以一萬貫運至漢口將起程日期預行知會布蘭泰令其委員接運

雍正六年二月甲辰

上諭內閣上年聞湖廣廣東江西等省之民因本地歉收米貴相率而遷移四川者不下數萬人已令四川督撫設法安插毋使失所但思上年江西收成頗好卽湖廣廣東亦非歉歲不過近水之地略被淹損何至居民輕去其鄉者如此之眾

也因時時留心體察今據各處陸續奏聞大約因川省曠土
本寬米多價賤而無知之民平日旣懷趨利之見又有傳說
者謂川省之米三錢可買一石肉價一錢可買七觔此等之
言最易動愚賤之聽又有一種包攬棍徒極言川省易於度
日一去入籍便可富饒每戶得銀包送愚民被其煽惑不獨
貧者墮其術中卽有業者亦鬻產以圖富足其情弊大抵如
此獨不思川省食物價賤之故蓋因地廣人稀食用者少是
以如此若遠近之人雲集一省則食之者眾求如從前之賤
價豈可得乎況彼此相隔或至千里或數千里小民離鄉棄
井扶老挈幼跋涉山川安有餘貲以供路費中途困阨求救
無門不相率而爲匪類勢必爲溝中之瘠矣此時追悔亦復
何及豈非輕舉妄動自貽伊戚乎草野識見庸愚必須訓示

方能醒悟爲地方官者當撫綏之於平日而勸教之於臨時開其愚蒙恤其窮困念念如保赤子時勸訓導使百姓知故土之可戀轉徙之非宜則愚民之不醒悟者亦少矣且各省皆有可墾之田土卽如廣東高雷廉三府儘有荒地可以耕鑿而所以任其廢棄者聞其故有二一則民俗好爲爭競當其未墾之時則置之不問及至旣墾之後則羣起相爭是以將可耕之壤拋爲曠土甚爲可惜一則墾田必須工本而寒苦之民不能措辦以致委諸草莽爲有司者當如何經其疆界以息爭端助其耔種以資耕作寬其升科之年優其上農之賞則百姓斷無有不踴躍鼓舞趨事赴工者矣凡地方荒棄田土皆地方官不實心愛養體恤百姓之所致也朕宵旰勤勞無刻不以百姓生計爲念數年以來所以爲閭閻籌畫

者費盡苦心茲頒諭旨並非禁百姓之謀食於他方也祇以愚民無知圖利心切惑於邪說見異而遷遂輕舍故鄉甘受流離之苦朕心實爲不忍夫在彼在此皆吾赤子若本籍果逢歉歲難以資生該地方有司自能仰體朕心卽時奏聞朕必沛以恩膏使之得所何必分散他方以希冀不可必得之利乎著各督撫將此通行曉諭所屬官民等咸使聞知

雍正六年五月丙子

上諭署南贛總兵張溥奏稱准巡撫布蘭泰咨文內開本標隨丁名糧俱行招募補足隨將隨丁名糧六十分考補五十四分暫留六分再行考補等語從來文武原屬兩途其養廉用度亦各不侔督撫爲封疆大吏全在察吏安民撫輯地方一應衙門用度耗羨等項足資爲用隨丁名糧固可革除提鎮

專任戎行責在整頓營伍訓練士卒一應衙門用度舍隨丁名糧之外別無所出武臣由將備升至總兵階級既峻其用度自應寬裕倘將此項裁革俾至無以養廉勢必諸事掣肘是爲總兵不如其爲將備也且衙門用度不敷卽有廉潔之員亦易更改操守此揆情度理有不當革除者今布蘭泰將伊隨丁名糧裁補併鎮臣之隨丁名糧亦勒令革除殊非中道布蘭泰辦理武職衙門之事過於刻薄甚不得體爾部將此行知布蘭泰

雍正六年七月戊午

上諭據布蘭泰叅奏清江縣知縣牛元弼於需雨之時並不親身祈禱屠宰甫禁旋開張筵唱戲政務不理臨江府知府吳恩景代爲粉飾顯係徇隱請將牛元弼吳恩景一併革職等

語牛元弼於屠宰開禁之後開筵唱戲尚非祈禱之時可比
若云牛元弼平日性好聲歌耽於逸樂則布蘭泰何以不早
行叅奏至所叅政務不理亦當實指其廢弛者何事今因一
時意見遽將該縣嚴叅並知府一同革職定例內屬員犯貪
贓重罪者知府徇庇及失於覺察其處分止於降級調用今
因屬員唱戲而遂將知府奏請革職似此越例之事幾有作
福作威之意矣朕之待督撫大臣深加信任常有督撫叅劾
尚輕而朕從重處分者總以揆情度理權衡其閒期於公當
而已凡爲督撫者當爲國家愛惜人才而於叅劾之閒尤當
加意慎重若誤去一幹員其過更在誤薦劣員之上蓋薦一
劣員而誤用之異日自然敗露若將幹員誤行罷斥則其人
終身放廢不可復振天下人才幾何豈可因一時之喜怒而

濫行摧折乎察吏之道公明二者缺一不可若存心本公而識見不到必致爲屬員所欺瞞爲浮言所蒙蔽布蘭泰之存心雖無私徇而欠知人之明且瑣屑不識大體如此本內所叅知縣情事含糊至於知府之罷官尤爲過甚朕思牛元弼之設席演戲或因家有吉禮亦未可定亦當詳察情由不應遽行叅奏況所屬地方雨暘之時若水旱之爲災全係乎督撫大臣之感召若果能布德行仁安民察吏自能上感

天和豐亨有慶若政事有闕舉劾失宜以致雨澤不能應時而降此時徒恃祈禱之虛文已屬庸鄙之見而乃欲諉過於屬員以謝己之責不亦屈抑之甚乎牛元弼吳恩景不必革職若二人任內另有虧空劣蹟著布蘭泰查明續叅再降諭旨若別無款蹟可叅著將牛元弼吳恩景送部引見候旨另用

雍正六年十一月癸亥

上諭今年江西省有數縣稍缺雨澤恐明春米價昂貴著將本年
起運漕糧內截留十萬石存貯本省以備將來之用著戶
部卽速行文

雍正七年六月乙未

上諭據張坦麟摺奏本年五月內大庾縣因驟雨暴發山水人
口被淹二十九名房屋冲塌二百餘間又南康縣亦因驟雨
發水被淹兵丁一名婦女一口其民人住居低窪者冲塌土
牆房屋七十餘戶朕聞之深爲憫惻除張坦麟已動公用銀
六百兩委員賑濟外著再動公帑銀四千兩令布政使李蘭
親往二縣悉心查勘分別被水之輕重逐戶賞給務令均沾
實惠各得安居以副朕矜恤窮民之至意

雍正八年正月己亥

上諭向因鋪墊倉廩需用松板令各省糧船隨帶到倉交納續經該部定議產木之省如江西湖廣及江安糧道所屬地方則全解十分本色其不產木之浙江蘇松等屬則解三分本色七分折色此便民利用之意也今朕聞得該地方所交三分本色亦於抵通之時始行採辦以致通州木商與胥役勾通包攬每板一片用銀至二兩餘或一兩七八錢不等較折色之數多至四五倍運丁不免苦累查京通各倉一年支放俸米甲米空出廠座應鋪墊一百五十座其湖廣江西安徽三處所解松板已足備用卽有應需採辦者諒亦無多所有不產木之浙江蘇松等屬應解三分本色松板二千五百四十片著俱改徵折色令各該糧道彙解通濟庫以備採辦之

用其湖廣江西安徽等處全解十分本色者著倉場侍郎嚴行稽查不許收板官吏勒索使費俟各倉廩鋪墊完日將應徵本色若干之處具奏請旨

雍正九年九月甲戌

上諭前經署江西巡撫張坦麟條奏請將南昌府新建縣之吳城鎮改隸南康府星子縣管轄經部議准行在案今該撫謝旻奏稱據本地士民連名具呈均稱未便等語從前張坦麟冒昧陳奏妄事紛更甚屬不合常見督撫提鎮等於蒞任之初或輕聽人言或自憑臆見率爾具奏更改舊章不計事之永遠可行與否及至再經條奏仍復成規多費曲折地方官民未必不受更張之擾累嗣後文武官員等倘有將地方不可施行之事妄行條奏舉行經後人復請更改者將原奏之

人交部議處倘原奏本是而後人妄行指摘或有意翻案者經朕察出亦必從重處分永著爲例

雍正九年十二月乙巳

上諭名宦鄉賢關係國家崇祀大典朕屢降諭旨令該督撫等秉公詳慎以彰激勸督撫自當仰體朕心不應尚有瞻徇冒濫者江西學道高鎮昔年曾侍朕讀書其在江西學政任內非一塵不染者此朕所深知今謝旻題請崇祀名宦不知高鎮之視學江西果有教澤及人士子實心感頌乎抑以其昔曾侍朕讀書故請列於名宦之內而非出於輿論之公平著行文該督撫將高鎮應否崇祀名宦之處詢問江西通省紳士令其據實陳奏俟奏到之日再降諭旨以朕所知之高鎮如此則其他可知朕屢經教導而督撫等身受封疆之重寄

於崇祀大典不能鑒別公當返之於心能無愧乎

雍正十三年七月辛亥

上諭浙閩江西等省有棚民之州縣朕皆留心揀發牧令前往俾司化導董率之任蓋此等無業民人聚散無常往來莫定其閒良頑不一易於藏奸若稽察稍疏必至漸爲閭閻之擾向聞棚民留住之地方皆責成本處地主山主出具保結並非來歷不明之輩始許容留而牧令官員於每年歲底親往查點一次儻有作奸犯科而地主山主不行舉首者一體治罪此向例也今聞法久廢弛有司等視查點爲具文而地主山主亦以保結爲虛應故事大非朕除暴安良教民成俗之本意著該督撫等轉飭有司實力奉行毋或怠惰儻有不遵卽行嚴叅從重議處若督撫失於覺察經朕訪聞亦必加以

嚴謹

江西通志卷首之一